



Oushtaniwan il i pat danwzhee pi shasheepishiwawn Kenadaw

Ishpee mayipayiwin nakinamawkaywin li zord oushtaniwan pakwatem kiya

Mayipayiwin nakinamawkaywin li zord kaw-nakinahk kawschitinamouwin pawshkishikaywina pi kootak awpachischikana ouschi awiyek chikee li dawnzee ishi wiyawow keema kootakak. Pikou awiyek chikee natoutam poor ooma li zord ishi kawschitinikaywin mouhchi outa li koor.

Ihtakwan li noombr di lee miseure en plaes chi-natamoushtawkayhk kenawayihtawkooshiwin ouschi aykwawniki kaw-takoowak kaw-natoutamachik poor ooma li zord. Sa nishtawinikawshoowin natamoushtawkayhk didawn aen aplikasyon paminikaywin pi chi-weestamiwawak pikou ouschi li zord keeshpin awa li zheus pakitayistam.

Keeshpin mayipayiwin nakinamawkaywin li zord oushtaniwan pakwatem kiya:

- Toon pawshkishikaywina lisawns mashkamiwawn poor ishkouhk payyek en mwawn
- Ou baen doun kaw-shihkimikawin chi-pakitayistamaen pawshkishikaywina pi kootak awpachischikana ishi li polis keema chi-outinimawn ouschi li polis poor iyikohuhk kaw-ashtaykihk oohin li zord

- Ooma chikee avek pikou tawnima awpachischikan kaw-weeschikawtayk didawn li zord, tapishkoot pawshkishikaywina, lee feezee keema itouwahk awpachischikana, tapishkoot la monisyon, pi pimouhtahkwawn
- Namou kaw-kee-atawawn, awpachistawn, keema tipaystaen kaykway maykwawt li zord kaw-ashtayk
- Mayow li zord pounipayiwawn, kaw-kawschinaen pawshkishikaywina, lee feezee, pi kootak awpachischikana weepat

Keeshpin chi-pimitishahamin kishkayistamihiwaywina ouschi mayipayiwin li zord pi namou kaw-peekounamaen lee lway, namou oushihowmakan li krim rekor.

Keeshpin namou kitawpwaystaen kiya namou kenawayihtawkooshiwin si risk ishi kiya pi kootakak, kaw-kee-natouten ishi li koor chi-nakinahk li zord. Keeshpin awa li zheus nakinam li zord, kaw-kawschitinaen pawshkishikaywina, lisawns, pi kootak awpachischikana weepat.

Nakinamawkaywin shihkimiwaywina kinwaysh ayiwawk payyek en mwawn

Apray mayipayiwin li zord, awa li zheus chikee ashtaw paystamouwin en zhournee poor kinwaysh ikouhk nakinamawkaywin li zord. Kaw-weestamakawin pi kaw-kee-itoustawn paystamouwin poor kinwaysh li zord.

Ooma kaw-ihtakouhk mayipayiwin li zord ahkamay awpatan ishkouhk paystamouwin ishpaiwawn. Toon pawshkishikaywina, lisawn, pi kootak awpachischikana namou pakitinikawtaywa ishkouhk il i disidee returned oustaniwan.

Keeshpin awa li zheus oushtaw kinwaysh ikouhk nakinamawkaywin li zord, toon pawshkishikaywina, lisawns, pi kootak awpachischikana namou pakinikawtaywa, pi namou tipayistaen pawshkishikaywina pi kootak awpachischikana poor ishkouhk saenk awn.

Keeshpin awa li zheus il i disidee namou ikouhk kinwaysh nakinamawkaywin li zord, kaw-ihtakouhk mayipayiwin li zord chi-pounipayiwawn keeshpin keyapit awpatan. Toon pawshkishikaywina, lisans, pi kootak awpachischikana chi-pakitayischikawtaywa weepat.

Pimawchihouwin mawcheewin pi atoushkaywin peeshkihtaschikaywina

Kaw-kee-natoutaen ishi li koor chi-nakinamawkaywin li zord awnter awtist peeshkihtaschikaywina. Ooma namou shaykihk, pi pikou chi-wawpastamaen ishi li koor tawnehki kiya kaw-natawayistamen pawshkishikaywina:

- chi-mawcheeyin keema tashooshoowina chi-pimachihshouyin keema toon famee
- ahkamay chi-atoushkayin aykwawnima pikou atoushkaywin kaw-ihtakouhk

Li koor chi-keeshayistem keeshpin li zord chikee nakinikawtaykihk akousheeshi kaw-kee-ahkamay awpachistawn pawshkishikaywina poor oohin rezyoon. Keeshpin oohin li zord nakinikawtay, shihkimiwaywina chikee ashtaniwan ishi tipayhchikaywin keema awpachistawin pawshkishikaywina.

Tipayischikaywina kootak awiyek ouschi

Didawn awtist itahkamikanowina, pawshkishikaywina keema koota awpachischikana pakitayimouwawn keema outinimawn chikée kootak awiyek kischee tipayistam. Chikée natoutam chi-pakitinikawtaykihk, pi chi-tipahamiwow iyikouhk itakihtaywin awpachischikana keeshpin namou pakitayischikawtaywa.

Poor ayiwawk weehstamakaywin ouschi awn dawnzhee lee lway pi oohin natamoushtawkayhk, kawschiniki mouhchi outa li koor. Kishkayista ayiwawk ouschi “awn dawnzhee” lee lway pi tawnsheeshi chikée weechistow chi-nakinihk pawshkishikaywina li shikaan:

<https://www.canada.ca/red-flag-laws> (<https://canada.ca/lois-drapeaux-rouges>).

Ooma kishkayistamihwaywin didawn ooma vif weehstamakaywina aykwawnima pimoustatawn ishi (en Michif).

Ooma noukouhtawin meena ihtakwan daw li computer ishi kootaka li lawngaezh itay

<https://www.publicsafety.gc.ca/cnt/rsracs/pblctns/rd-flg-epo/index-en.aspx>

(<https://www.securitepublique.gc.ca/cnt/rsracs/pblctns/rd-flg-epo/index-fr.aspx>)

(poostashtaw en mwawn pi en awn) Cat. No. PS4-334/2-2025Crg-PDF

ISBN 978-0-660-98346-2